

# KO VECNOST



Lekcija 13 za 27 juni 2026 bers



„Vozljubime, akana  
inam Devlese cave,  
thaj so ka ova panda  
nane diklo; ali canaja  
deka keda ka  
pojavinelpo O  
Hristos, ka ova sar  
Oleste, sose Ole ka  
dikale sar tej tano.“  
(1 Jovanovo 3:2)

Thaj ako o povrziba e Devleja thaj o zapoznaiba  
Oleja ko tek taro amaro zivoto tano taro vitalno  
znaciba, odova nane i cel e hristijaneso.

Streminajamen kon nesto so povise. Mangaja te  
sretinamen liko likoja Okoleja kas sretningam  
thaj kasa komuniciringam akate.

Kozom vreme ci ko odova momenti? So ka  
slucinelpa sledno? Sar akava djandipa vlijainela  
ko miro svakodneвно zivoto?



**Vreme te acikere**

**Dujto aviba**



**Te rese kere**



**So ka kera ko vecnost?**



**Amari odgovornost**



# VREME TE ACIKERE

„Ali, can akava; ko posledna dive ka avel paro vreme.“ (2 Timotej 3:1)


O Isus dengamen znakija so ka slucinelpa angla Oleso dujto aviba. Odova tano situacije so ka vlosinenpe sar so priblizinelape odova momenti (Matej 24:6-11):



- **Vojne thaj glaso za vojna**
- **Nacija protiv nacija**
- **Cungla, bokalipa thaj zemjotresija**
- **O Hristijanija ka oven mrzime**
- **Opsto otpad**
- **Lazna prorokija kola zavedinena**



Za da te zadrzina amari doverba ko akava „opasno vreme“ (2 Timotej 3:1), mora te neguvina pravilno odnos e Devleja thaj te ova sigurna deka Ov oprostringa amare grevija thaj deka inam spasime preku Oleste.



Mapa taro tekovno vooruzime konfliktija:

- Bare vojne (10.000 ili povise zrtve)
- Tikne vojne (1.000-9.000 smrtna slucaija)
- Konfliktija (100-999 smrtna slucaija)
- Prestrelka thaj sudririja (1-99 smrtna slucaija)

Potrebno tano o duhovno civdipa. Trebela te molinamen, sar o Asaf: „Devla, iran amen, neka osvetlini amen Tiro liko, za da te ova spasime“ (Psalam 80:3).

# DUJTO AVIBA

„Thaj ka bicali Pire angelen so silno trubno glaso, thaj ola ka keden Olese izbranikon taro 4 balval, taro jek kraj ci ko nebo ci ko javer.“  
(Matej 24:31)

Matej 24:29-31 sumirinela o glavna nastanija taro akava baro nastan, kasi scena tani dopolnimi so javer pasus:




Ko adava momenti, keda ka basalel i truba, keda sekoja jak ka dikel e Isuse thaj amen, o iskupime, ka dika Oleso liko, ka cana deka o acikeriba, zaedno so sekoja istrainost molitva, sekova momenti taro zaednistvo Oleja, sekova hrabro svedostvo dindo za Olese thaj sekova iskusenije vredinga thaj na ine zaludna.




Bare katastrofe potresinena i puv  
(Otkrovenije 6:12-14).



Ka pojavinelpe znako taro Cavo manusikano  
(tikno oblako)



O Isus iklovela taro oblakija  
(Otkrovenije 1:7).



Oleso glaso voskresninela mulen thaj preobrazinelalen ko civde (Jovan 5:28 / 1 Solunjanite 4:16 / 1 Korintjanite 15:51-52).



O Angelija kedena e otkupimen thaj anenalen ko Isus (1 Solunjanite 4:17).

# TE RESE KERE



„Ko ker me Dadeste isi but tan za te zivinelpe; te na ovel ine agar; nane ine te vakerav tumenge deka ka prigotvinam tan“ (Jovan 14:2).

Ko nebo isi tan so O Isus podgotvingale, o gradi koleste ka zivina: Nevo Erusalim (Jovan 14:2 / Evreite 11:10 / Otkrovenije 21:10)

Akava gradi, zaedno olese zitelencar – amen tano narecimo „Bori e Bakreso“ (Otkrovenije 21:2,9 / Otkrovenie 19:7-8).


O Prvo nastan koleste ka prisustvuina ko amaro nevo ker ka oven nebisterdo: bijavesi vecera taro Bakro (Otkrovenie 19:9).

Ali, za da te acova e Isusesi bori, prvo mora te ova Olesi bori ki akaja puv. Mora te ovel amen pase odnos e Isuseja akana. Te pencarale. Te kera Oleja lafi sekova dive. Te veruinale. Te kopniina palo dive keda ka zivina za uvek Oleja.



# SO KA KERA KO VECNOST?

„Sose O Bkaro, kova tano ko maskar ko prestol, ka ovel olenge pastori;ka vodinel len ci ko izvorija taro civdo pani; thaj O Devel ka kosel olendar sekoja asvin taro olenge jaka.“ (Otkrovenie 7:17)



Najbaro blagoslov so ka ovel amen ko Nebo ka ovel te dika e Isuse thaj te saj te zablagodarinamen Olese za odova so kergale amenge.

Ali, amen nane za uvek te zivina ko Raj. Ka avel vreme keda ka ova mukle ki puv, amaro posledno ker (Otkrovenije 21:1-3 / Psalam 37:9). Iako o zlo povise nane te postoinel odori, O Isus sa panda ka ovel amaro Pastori, nezno sikiribaja amenge (Isaija 25:8 / Otkrovenie 7:17).



Naravno, odova nane te ovel mrzljivo zivoto. Isto sar so O Devel denga e manuse buti keda sozdaingale, sekova amendar ka ovel le cel odori. Ka saj te prosirina amaro djandipa thaj postojano te otkrina neve cudija.

Sprotivno ko odova so slucinelape akana, tegani amare misle ka oven 100% nasocime ko Devel, kaso mangipe ka preplavini sekova vlakno taro amaro bitie (Otkrovenie 14:1).




# AMARO ODGOVORNOST

„O Duho thaj i bori vakerena: „Ava!“ Thaj koj sunga, neka vakerel: „Ava!“ Koj tano zedno neka avel; thaj koj mangela, neka lel taro pani e zivotoso daruimo.“ (Otkrovenie 22:17)

Ko Nevo Erusalim – amaro vecno ker – len taro pani e zivotoso tavidela tare Devleso prestol, hranibaja o kash taro zivoto (Otkrovenie 22:1-2). Izobilno zivoto, vecno zivoto.

Dostigniba ci Oleste tano bez te platine. O Isus platinga i cena. Jek dive odgovingam ko odova povik taro Sveti Duh thaj canaja sar te resa odori, ali javera sa panda na canena o drumo.



Isi amen odgovornost kon okola kola kopninena palo vecno zivoto, ali na canena sar te dobinenle. Mora glasno te objavina: „Koj tano zedno, neka avel; koj mangela, neka lel taro pani e zivotoso daro“ (Otkrovenie 22:17).

Ci keda na alo o veme keda ka saj te pija taro odova pani, te na zamorinamen taro acikeriba. Te odrzina o kopnez civdo. Ava, Devla Isuse

**„O Baro konflikti zavrsininga. Nane povise grev nitu gresnikija. Celo univerzum tano procistimo. O Isto puls tari harmonija thaj radost kuvela niz celo sozdaiba. Taro Okova Kova sozdainga sa o buka, tavidela zivoto, svetlina thaj zadovolstvo niz taro ogromno prostranstvo taro beskonecno tan. Taro najtikno atom ci ko najbaro sveto, sa o buka, civde thaj necivde, objavinena ki piri besprekorno suzipa thaj sovrsono radost deka O Devel tano mangipe.“**

**E.G.V (Baro mariba, strana 657)**